


**INUICTI QUINARII  
NUMERI SERIES  
QUAE SUMMATIM A  
SUPERIORIBUS  
PONTIFICIBUS ET...**

---

Giovanni Pinadello





4

B E A T I S S I M O  
S A N C T I S S I M O Q.  
P A T R I  
S I X T O Q V I N T O  
P O N T . M A X .



IOANNES PINADELLVS FELICITATEM.




ES tuæ præclarè gestæ, BEATIS-  
SIME PATER, tuâq; in rebus  
agendis pro Republica Christiana  
singularis prudentia neminem non  
ducunt, ac potius trahunt in tui ad-  
mirationem. Me verò in Philoso-  
phiæ contemplatione conquiescen-  
tem, ita quasi è somno quodam excitatum, ad tuas laudes  
pertraxerunt, vt nisi publico aliquo testimonio mihi ipsi,  
ac præsertim Taruisinis ciuibus meis, qui eas longius re-  
moti venerantur, satisfecissem, nullo modo me ingrati  
animi crimen subterfugere posse sperarem. Collegeram  
nuper ex varijs historicis, sub Inuicti Quinarij Numeri  
ferie, Romanos Pontifices, vt attingerem nonnulla ex  
tuis gloriosis operibus, quæ, vt nos, qui Romæ sumus, su-  
spicimus; ita exteræ gentes, vbi audiunt, prædicant, ac  
laudibus prosequuntur. Hanc seriem cum legissent non-  
nulli Viri sanè eruditi, non destiterunt me hortari, vt in  
lucem

6

ALEXANDRO PERETTO  
S. R. E. CARDINALI  
AMPLISSIMO  
VICECANCELLARIO LEGATOQUE  
BONONIAE

ILLVSTRISSIMO ET EXCELLENTISSIMO  
MICHAELI PERETTO MARCHIONI  
BYRIGI GVBERNATORI.



IOANNES PINADELLVS TARVISINVS  
perpetuam optat felicitatem.



LVRIMI Scriptores, Illustrissimi, & Excellentissimi Principes, cum veteres, tum recentiores Pontificum Romanorum seriem hactenus in lucem ediderunt, qui existimarēt eam cognitionem non modo historiae, cui percipiendae clarissimum, ac praecipuum lumen praefert; sed etiam reliquis vitae humanae actionibus maximam utilitatem cum singulari prudentia coniunctam asferre. Ego Verò non omnium seriem complexus, satis fuisse existimaui, si INVICTVM QVINARIVM NVMERVM recensere, cum tam insignes in hac serie extiterint Pontifices, ut ceterorum quivis alius numerus ei facile cedat, praesertim quia clauditur integerrimo, & gloriosissimo Pontificatu SIXTI QVINTI, ex illustrissima vestra Familia, Principis, omnium virtutum commenda-

tionē insignis; qui Quadriennio suae administrationis nihil vul-  
gare, nihil humile, nihil non augustum, imò omnia praestantissima,  
altissima, & admiratione dignissima gessit. De tot, & tantis  
Summi Pontificis rebus gestis tenui stylo, cū in hoc Opusculo non-  
nulla scripserim, & in lucem sub INVICTO, & FELICI  
eius nomine edere decrevissem, commendare ea volui hac epi-  
stola Amplitudinibus vestris, tanquam consanguineis dilectissi-  
mis, & ipsius rerum gestarum peritissimis; quin etiam orare,  
atque obtestari, ut pro vestra in omnes humanitate, & beni-  
gnitate dignentur huius mei laboris defensores, propugnato-  
resque esse. Vos enim, vel soli Illustrissimi, & Excellentissimi  
Principes, quos probitas vita, singulares virtutes, ac ingens  
meritorū cumulus ad Calum vsque innumeris laudibus ferunt,  
facile tueri potestis. Accipiant igitur, obsecro, hoc meum mu-  
nusculum defendendum, sapientissimo, & Sanctissimo Pontifici  
traditum, & dicatum; quod licet tenue admodum, & exiguum  
sit ad referenda illius praeclarissima, & memoranda gesta; erit  
tamen mea singularis erga Sanctitatem suam, & in vos obser-  
uantiae argumentum primum. Deinde si vita suppetabit, alia,  
& fortasse in hoc genere maiora, tempore opportuno, conari non  
desistam. Interim Deum Optimum Maximum supplex precor,  
ut vos eidem Felicissimo SIXTO QUINTO sanguine  
adhaerentes officiosissimos, & omni virtute praeditos, ad huius sa-  
culi honorem, & Ecclesiae decus augendū, diu incolumes tueatur.

Valete, Romae Non. Iunij Anno ab Orbe redempto

CID ID XXXIX.

IOANNIS PINADELLI  
TARVISINI  
IN INVICTI QVINARII  
NUMERI SERIEM

P R Æ F A T I O.

**I**N hoc breuissimo Opusculo ex Platina, alijsque historicis ostenditur, quifquis Summorum Pontificum Quintus appellatus est, & quid in vita sua præclare gesserit; denique quàm posteris de se memoriam reliquerit, vsque ad Summum PONT. SIXTVM QVINTVM, in eorum numero decimum sextum, qui exemplo Dauid (iuxta versiculum XVI. in psalmo XVI. Tunc satior, cum apparuerit gloria tua) non satiatur, donec afflictam Ecclesiam ad optatam sanitatem, & gloriam reducat. Præterea etiam, quemadmodum in tam præclarorum Pontificum numero, sub nomine Quinti, decimus sextus est, ita & nonagesimam nonam ouem in totidem Regnis errantem, virtute Quinque Plagarum Christi, vero Christi Ouili, sanctæque Sedi Apostolicæ hoc angustiarum die reconciliet, Deum Opt. omnibus votis precabimur.

INVICTI  
QVINARII NVMERI  
S E R I E S

SIXTI QVINTI PONT.

M A X. E X E M P L O

ILLVSTRATA

IOANNE PINADELLO  
PHILOSOPHO TARVISINO  
AVCTORE.



Tu es Petrus: et super hanc Petram ædificabo Eccle-  
siam meam: et portæ inferi non præualebunt  
aduersus eam. Matth. XVI.



BONIFACIVS QVINTVS




**B**ONIFACIUS Quintus Campanus Heraclio Imperatore Pontificatum iniit. Hic Vir integritate, modestia, magna erga omnes humanitate, grataque consuetudine usus est. Tantæ prudentiæ præterea fuit, vt toto suo Pontificatu nihil comisisse legatur, quo meritò in gubernando negligentia reprehendi possit. Instituit, vt ad tēpla confugientes salui essent: quod antea sancitum fuerat ab Honorio, & Theodosio Impp. vt expressè ostendit Titulus de his, qui ad Ecclesiam confugiunt libro secundo Codicis. Præterea mandauit, ne Acolyti-martyrum reliquias attrectarent, vt maiori in veneratione, ac cultu haberentur. Sic sane SIXTVS V. huius Pontificis instituto mandauit, vt à S. Pauli Innocentum Reliquiæ sacerdotis manu ad Exquilias delatæ honorificè conderentur, vt qui paulò post Christum natum sanguinem tenelli fuderant, eiusdem sacro Præsepi adiungerentur. Sunt verò & illa Bonifacij V. instituta, vt esset facultas sacrilegos quouis in loco anathematizandi, ac testamentum iussu Principis factum vim suam haberet. Aedificauit B. Nicomedis cēmiterium, atque in clericos piè, & catholicè viuētes mira liberalitate, ac munificentia usus est. Plura, ac præclara suis operibus addidisset, si per illorum temporū calamitates licuisset. Demum virtute plenus, Pontificatus sui anno quinto, die decima defertur in Basilicam S. Petri omnium dolore, ac lachrymis. Vacat Sedes dies trefdecim.

IOANNES QVINTVS



IOANNES V. PP. SIRVS.

**I**OANNES Quintus, natione Syrus, patria Antiochenus eo tempore Pontificatum suscepit, quo Imperator Constantinus decimo septimo Imperij sui anno obiit, filio Iustiniano secundo in Imperio relicto. Hic Pontifex mansuetudine singularis vno omnium consensu creatus est in Ecclesia S. Saluatoris, quæ Constantiniana nuncupatur. Quam Ecclesiam circumquaque ruinis tectam admiratus SIXTVS QVINTVS, quasi, vt Innocentius III. in somnijs viderat S. Franciscum collabentem Lateranensem Basilicam suis humeris sustinere; ita ipse ab eodem Ordinis sui in Cælis patrono S. Francisco admonitus omnem lapidem mouit, antiquis illis substructionibus munifica manu innouandis. Erigitur Pontificia ædes, gradus illi sacri, quos poplitibus flexis supplices terimus honorifico in loco, splendore collucent. Ioannes vero inter cetera sua instituta voluit etiam Romanum Pontificem ab Ostiensi, Portuensi, ac Veliterno Episcopis consecrari: qui quidē mos nunc etiam perdurat, cum antea nouus Pontifex solum ad Cathedram S. Petri deduceretur, cui insidens possessionem acciperet. Scripsit libellum de Pallij dignitate. Demum cum & ante Pontificatum æger esset, in ipso etiā Pontificatu morbo laborans vix anno sui Pontificatus expleto in summa opinione migravit. Post eius obitum Sedes vacauit menses duos, dies decem, & nouem.



STEPHANVS QVINTVS



STEPHANVS V. PAPA. ROMANVS



STEPHANVS Quintus creatur eo tempore, quo Normanni vnà cum Dacis omnem ferè Galliam vastabant. Eorum rumorum metu, translato sancti Martini corpore ad Ecclesiam sancti Germani, quæstio orta est, quis nam ex ipsis nomen daret Ecclesiæ. Itaque in vtriusque medio positus leprosus, sanatur qua parte Martinus erat. Nec verò desistent posterius annalium SIXTI QVINTI observatores hoc etiam tantu Pontificis præclaris gestis addere: illum Anno Quarto sui Pontificatus, qui incidit in M D LXXXIX. in ipso anni initio sola benedictione hominem in vrbe Roma notum, ex Societate Iesu lepra infectum sanasse. Ac de Stephano Quinto, de quo dicere ceperā, inter cetera instituta illud refertur, sustulisse supplicium feruentis aquæ, quod tunc in vsu quæstionum erat. Cum verò Gallia, & Germania maximo in timore essent, quod Hunni eas florentissimas regiones depredarentur, Sanctissimus Pontifex dolens vicem Christiani populi anno Sexto, & die vndecima sui Pontificatus moritur, maxima in vtraque Gallia sui opinione relicta.

Hic vt quintus in ordine eius nominis fuit,  
ita contigit, vt esset vacatio dierum

Quinque.







LEO V PAPA ARDEATINVS



EO Quintus Ardeatinus Pontificatum adeptus est non sine maxima cuiusdam sui familiaris inuidia. Hic cupiditate imperandi tantum est ausus, vt Leonem verum Pontificem, à quo magnis honoribus, antequam esset Pontifex, decoratus fuerat, captum, in vincula conijecerit. Miserrima certè tempora, in quibus non dicam Reges, aut Imperatores, sed priuatus homo tantum poterat, vt in Romano Solio sedentem Pontificem non modo attingere, sed vincitum in carcere mori coegerit. Hac verò atate nostra, quod eò extulerit dignitatem Pontificiam SIXTVS alter QVINTVS, vt eam etiam Principes summi, & timeant, & venerentur, nemo est qui laudare non debeat. Nec non summis in Cælum laudibus extollemus, eundē admirabili parsimonia Ærarium in Arce Hadriana collegisse pro Ecclesiæ necessitatibus, vt in posterum omnes hanc Sedem Petri, quo debent honore, reuerentur, & extimescant. Nec mirum LEONIS Insignia, & opera præfert. Leo verò Pontifex dolore animi, spatio dierum quadraginta extremum vitæ suæ diem clausit.






BENEDICTVS QVINTVS



BENEDICTVS V PP ROMA

138

**B**ENEDICTVS Quintus Romanus, Imperatore Othone Augusto, Pontifex maximus infelicissimis, & asperis temporibus creatur. Ac SIXTUS QVINTVS cum etiam Italiam omnē exulibus occupatā reperisset, non multitudine hominū armata; sed sua eximia prudētia omnia pacauit. Meminimus enim meminimus, nec vnquam obliuiscemur, calamitatum superiorum temporum. Latrocinia passim exercebantur. Aratoribus, pecuarijs, mercatoribus nullus erat tutus relictus locus. Nos non præterit quā plurimos nocte, ac media die trucidatos, luce palam occisos: pecuniam per vim à multis morte exposita extractam non ignoramus: homines innocentes in siluis, in ipsa Vrbe cēlos dolemus. Sed SIXTVS quasi Leo vicit. Fugati hostes pacis, quid dicam fugati? penitus radicibus ipsis auulsi, extirpatique sunt. Redditur igitur SIXTO QVINTO pax Italiæ iucundissima. Iurisdic-tio Ecclesiastica intrepida, atque inuicta SIXTI manu defenditur. Debitus honos Pontificiæ Maiestati restituitur. Sed vt ad Benedictum Quintum reuertar, cum annum vnum sedisset, & menses iij. extremum suę vitæ diem morte confecit, sepeliturque ad S. Petrum. Vacauit Sedes dies decem.





GREGORIUS · PP · V · GERMANVS



REGORIVS Quintus, Saxonia oriundus, instante Othone III. Pontifex creatur. Verum postea discessu Othonis in Germaniam coactus est quorundam tumultu eò, & ipse Pontifex proficisci. Consentiente Othone septemuiros Electores Imperij instituit. Decevit præterea, vt qui ab his Germanis Proceribus electus esset, Cæsar; post confirmationem, & Coronationem ab Episcopo Romano, Augustus diceretur. Hac ætate Sabaudia Comitatus erigitur. Vtinam verò, vt nunc Dux ille Serenissimus pro Ecclesia laborat propagāda, in dies statum suum augeat, ac nido illo impietatis, qui Geneuæ affixus est, adusto, auorum suorum loca recipiat. Quod sub SIXTO V. sperant omnes, qui pro Ecclesiastica iurisdictione amplificanda omnem lapidem mouet. At Gregorius Quintus Pontificatus sui anno secundo, mense quarto moritur. Sedes vacat dies xxv. Gregorij sepulchrum adhuc in eade sancti Petri extat apud aram sancti Andreæ. Leguntur in eo multa carmina; inter quæ hæc prima sunt, quæ eius nomen exprimunt, non tamen satis sibi constare videntur.

Hic quem tegit humus oculis multumque decorum  
Papa fuit Quintus nomine Gregorius.



INNOCENTIVS QVINTVS




INNOCENTIVS · PP · V · AVRGVN ·



**I**NNOCENTIVS Quintus, natione Burgundus, antea dictus Petrus de Tarātia absens, ac primus ex Ordine Prædicatorū, Aretij Pontifex Romanus renunciatur. Aretio Romam profectus, mitræ, consecrationisque solemnia in Basilicā sancti Petri peragit. Mittit Legatos magna auctoritate, vt controuersias tum inter Etruscos, ac Pisanos, tum inter Genuenses, ac Venetos componant. Fuit Doctor Theologus, & in libros quatuor Sententiarum, & Epistolas Pauli commentarios eruditissimos scripsit. Felicissimus Pontificatus, qui à Theologis rectus est, ac gubernatus. Est enim Theologia de rebus diuinis scientia: hac, vita, & mores, instruuntur; res occultæ, ac diuinæ explicatur. Hæc omnium laudatarum artium procreatrix, & parens. Meritò igitur SIXTO QVINTO optatissimo Pontifice, qui Theologiæ studium tractauit, & nunc etiam acri ingenio persequitur, sanctissimā gubernationem experimur. Est enim veteris Philosophi dictum, cū primum Viri eruditi ceperint gubernare, tunc demum beatas fore Respublicas. Moritur Innocentius mense sexto, ac die secundo sui Pontificatus, & sepelitur in Basilica Lateranensi. Vacat tum Sedes dies xxj.







ADRIANVS · V<sup>PAPA</sup> · GENVENNIS



ADRIANVS Quintus, in Lyguria ex familia Flisca nascitur honestis parentibus. Hic Romę apud Lateranum Pontifex creatus Viterbium statim contendit. Mirum est quàm tunc oppressa iaceret Pontificia dignitas Caroli potentia. Eam subleuare Vir magni consilij toto pectore conatus est. Fuerat Hadrianus Pont. Max. Innocentij IV. Ne-  
pos, qui dum esset Cardinalis in Angliam Legatus missus fuerat ad controuersias Regis, & Baronum sedandas. Quod Regnum iam trigessimum circiter annum à vera fide defecisse dolens SIXTVS QVINTVS, his nostris temporibus, gregem suum, ac sancti Petri Patrimonium, nihil non effecit, vt ad veram Religionem reuocaret. Iuuit ille consilio, & pecunia maxime in bello, quod anno Quarto eius Pontificatus paratum est. Instru-  
ctissima Classis ex Hispania egressa, futurum sperabamus, vt portum caperet, atque illa Iezabel tandem ad SIX-  
TI pedes peruoluta, eosdem lacrymis rigaret Magdale-  
næ exemplo, quæ vt iamdiu turpissimè viuit, ita nostros seuisimè torquet. Sed non est abbreviata manus Domi-  
ni, nec diffidimus, quia vt multa gloriosè vidit in Eccle-  
sia sua SIXTVS, ita Anglos ad se redeuntes ample-  
ctetur. Sed Hadrianus Quintus vix dies quadra-  
ginta attigerat, cum è vita discedit Viterbij.  
Sepelitur in æde fratrum Minorum.  
Vacat Sedes dies viginti octo.



CÆLESTINVS QVINTVS




S. CÆLESTINVS V. PAPA. S. AMNIS

195



**CELESTINVS** Quintus, Petrus Moroneus antea vocatus, patria Eterniensis fuit. Hic urgente maximè Carolo Rege, & Latino Cardinali Pontifex declaratur. Vocatur ex Cœnobio ad Pontificatum tanta omnium opinione, vt mirus ad eum visendum fieret concursus. Instituerat enim ante Pontificatum Ordinem Cœlestinorum Monachorum sub regula sancti Benedicti. Pontificatum adeptus Cardinales duodecim creauit Viros integerrimos, ex quibus duo fuerunt ex eremo. Sed cum sibi magis solitudo probaretur, statuit de Pontificatu resignando. Coram omnibus pleno Concistorio mitram, anulum, ac sandalia deposuit. Eodem penè tempore diem suum obiit Nicolaus de Tolentino, qui postea ab Eugenio Quarto in Sanctorum numerum adscriptus est. Ac **SIXTVS V.** memor eiusdem sanctitatis voluit, vt eius dies festus Calendario Romano adiungeretur, atque officio duplici celebraretur, quod in pluribus alijs sanctitate conspicuis obseruari mandauit. Sedit Pontifex in sede Petri menses quinque, & dies septem. Eius à Pontificatus abdicatione vacauit Sedes dies decem. Huic successit Benedictus Caetanus, qui dictus est Bonifacius VIII. & Iubileum primum dicitur celebrasse  
Anno M CCC.



CLEMENS QVINTVS



**C**LEMENS Quintus Vasco, Episcopus Burdegalenſis, poſt longam Patrum contentio-  
nem, tandem abſens Pontifex Max. renun-  
ciatur. In eius coronatione ingens fuit nume-  
rus Principum . Fertur ruinam parietum ſequutam tan-  
tam, vt de Pontificis ipſius vita dubitatum ſit. Vbi Ponti-  
fex creatus eſt, Cardinales ad ſe vocauit; voluit eos in Gal-  
lia eſſe, quò Sedem ab Vrbe tranſtulerat. Fuit igitur Aui-  
nioni ſedes annos circiter lxx. maximo Romanæ vrbiſ in-  
commodo, quæ deſerta Paſtore, inculta facta erat. Ponti-  
fex interea aliquot Conſtitutiones confecit, quæ eiufdem  
nomine Clementinæ dictæ ſunt. Cæleſtinum Quintum  
inter ſanctos retulit, cuius exemplo, ne à SIXTO V.  
diſcedamus, Anno M D LXXXVIII. Didacus Com-  
plutenſis ſanctorum numero adiungitur maxima om-  
nium lætitia, ac plauſu. Huic Canonizationi, & ipſe inter-  
fui. Clemens vero Venetos ob occupatā Ferrariam, nec  
non Florentinos, & Lucences ſacris interdixit. Baſilicam  
Lateranenſem incendium paſſam reſtituit. Ad huius Pon-  
tificis tempora Milites Rhodij S. Ioannis Baptiſtæ initiū  
habent. Supplicationes ſolemnes ſanctiſſimæ Euchari-  
ſtiæ instituuntur. Item hoc ſæculo Hebraicæ, Chaldaicæ,  
Arabicæ, ac Græcæ linguæ ſtudio in quatuor no-  
biliffimis Europæ Academijs fundatur. Mo-  
ritur Clemens anno VIII. ſui Pontifica-  
tus menſe x. die xv. Vacat Sedes  
per biennium.



VRBANVS V PAPA GALLVS

**V**RBANVS Quintus Lemouicensis, cum esset Abbas sancti Victoris, vocatur ad Pontificatum absens, maximo Cardinalium omnium consensu. Hic planè vir fuit innocētissimæ vitæ, & cū in exteris regionibus per aliquot annos commoratus esset, Anno Pontificatus sui Quarto in Italiā venit. Inter alia cum reperisset Apostolorum capita in loco, qui apud Lateranum ob ingentem numerum Reliquiarum SANCTA SANCTORVM nuncupatur, voluit in ea parte, qua nūc visuntur, sublimi, argenteis loculis reponi. Sed sanctissimam illam ædem, quæ sancti Laurentij dicta est, vnde sacra capita Apostolorum accepta sunt SIXTVS QVINTVS solita pietate exornat; cum enim timendum esset, ne vetustate rueret, ita reficit, ac innouat, vt sui oblita vetustas noua omnia admiretur. Neque vero desistit idem SIXTVS Pontificias augere in Vaticano, exemplo Urbani Quinti, qui itidem ædes Pontificias tum in vrbe Veteri, tum in Monteflascione construxerat. Urbani Quinti temporibus Viennæ Austriæ vniuersale studium ab Alberto Duce fundatur, dum SIXTVS QVINTVS in Firmana Ciuitate idem solita munificentia præstat. Urbanus verò post sui Pontificatus annos nouem in itinere Massiliæ moritur. Sedes vacat dies decem.









**A**LEXANDER Quintus, natione Creten-  
sis, Petrus Candianus antea vocatus, ex Or-  
dine fratrum Minorum ad Pontificatum assu-  
mitur, ex quo non minori gloria assumptus  
est SIXTVS V. PONT. MAX. cui vitā diutur-  
nam, ac felicem omnes precamur, cum tot bona attulerit  
Ecclesiā, quot nemo desiderare potuisset. Hic in paupe-  
res fuisse dicitur liberalissimus; nam de se ipso per iocum  
dicebat: fuisse se Episcopum diuitem, Cardinalem pau-  
perem, ac mendicū Pontificē. Celebratus est inter sum-  
mos Theologos; scripsit in libros Sententiarum com-  
mentarios. Hic etiam in Concilio Pisano Ladislaum Re-  
gem regno priuauit. Pisis Bononiam venit, vbi, cum mor-  
tem sibi instare cerneret, Cardinales ad se vocatos ad con-  
cordiam, ad pacem; denique ad tuendam Ecclesiā digni-  
tatem pluribus est adhoratus. Idem, cum mortem ante  
oculos se cernere diceret, testatus est se nihil reformida-  
re, conscientia benè actæ vitæ motus. Vix hæc dixerat, cū  
lacrymantibus omnibus, qui aderāt, illud Saluatoris ver-  
bum ægrè proferens: Pacem meam do vobis, pa-  
cem meam relinquo vobis, statim moritur  
Pontificatus sui anno primo. Conditur in  
Ecclesia fratrum Minorum Bo-  
noniæ. Sedes vacat dies xiiij.





MARTINVS QVINTVS



MARTINVS V-PAPA ROMANVS



MARTINVS Quintus Romanus, familia Columna, quæ in Vrbe primaria nostris etiam tēporibus, nouo Perettarū matrimonio, clarissima, aucta est, nascitur; qui consulens semper religioni, eiusdemque dignitati, Constantiæ dum varia vigēt factionum studia, nationum omnium, & Cardinalium cōsensu Pontifex creatur temporibus sane difficillimis. Hic sciens Romanam Ecclesiam cæterarum caput esse, ac parentem, in eadem Pontifici immorandū esse statuit, vt facilius Italiæ, ceterisque nationibus, tamquam in puppi gubernator fluctibus maris, prouideret. Discedit igitur Constantia Sigismundo Imperatore inuito. Excipitur honorifice Mediolani à Philippo Duce sibi amicissimo. Inde Mantuam, post Ferrariam, ac Florentiam contendit. Demum Romam venit, vbi Romani omnibus vijs effusi omnis ordinis Martinum vnicum parentem adorarunt. Diem Romani, quo Martinus Urbem ingressus est, in fastis annotauere octauo Kal. Octobris MCCCCXXI. Hic Urbem dirutam miseratus, ad eam exornandam, templa reparanda, animum adiecit; cuius exemplo plurimos illius temporis Cardinales idem fecisse ferunt. Hic erat animo ita inuito, vt duobus fratribus subito extinctis nullum doloris signum prætulerit. Interea vero Vrbe, atque Italia vniuersa Brachij Montonij Viri in re militari præstantis, armis perturbata, qui in Vmbria maxime furens Ducatum Spoletinum occupauerat, ac Patrimonij non exiguam partem domuerat: Sed Pontifex monere non destitit hominem, ne plures trage-

dias excitaret, qui tamen obfistens cenfuris coactus, tandem intercedētibz Florentinis eius fautoribus Brachius ad pedes Martini accedens veniam petijt. Atque eiusdem Martini prudentia factum est, vt Baldeffar Cossa Ioannes xxij. dictus, qui in schismate fuerat ad obedientiam rediret; nam cum is è carcere Cosmi Medicis precibus fuisset liberatus, ad Petrū Rubeum Parmensis agri dominum diuersatus, inde ad Legatum Pontificis venit. Tū verò cum omnes innouandum Schisma suspicarentur cū maxima omnium admiratione pede Martini Pontificis exosculato, eundem, ijs qui aderant audientibus, verum Pont. adorauit. Deinceps Bononiam tumultuantem, Gabriele Còdelmario, qui ei successit in Pontificatu legato misso, in officio, & obedientia Sedis Apostolicæ continuat. Tum Ludouicum in Regno confirmauit, ac res in magno discrimine positas inter Philippum, & Venetos felicissime composuit. Quin etiam quæ ad Religionem propagandā attinebant, promouere studens Papię Concilium inchoari voluit; Interim cum pestis eam urbem inuasisset, visum est Senas migrare. Deniq. peractis omnibus, ac schimate sublato omnem curā posuit in Viris probis, ac doctis prouehendis: nam in beneficiorum Ecclesiasticorum vacationibus, secum quærebat quis ad id potissimum idoneus videretur. Inuestigabat quis, & qualis is esset, cui beneficium dandum erat, quibus in locis enutritus, quibus in Gymnasijs institutus, non alia de causa, nisi vt beneficium bene collocatū constaret. Ex operibus vero publicis inter alia hæc celebrantur. Atriū Basilicæ Sancti Petri restituit, pauimentum Lateranense extruxit, vbi & sepulchrum sibi poni voluit, quod nunc etiā

in medio templo eius ex ære expressa imago conspicitur,  
 in quo inter cætera illustria signa illius ætatis, ac digna  
 memoria tanti Pont. extāt illa verba SVORVM TEM  
 PORVM FELICITAS. Aedes vetustate collabentes  
 ad xij. Apost. restituit, vbi per aliquot annos habitauit.  
 Errores Ioannis Vvicleff Angli, Ioannis Bohœmi, ac Hie  
 ronymi de Praga in Concilio Constantiensi damnauit.  
 Officiũ Rotæ, ac Cancellariæ, cui nunc Alexander Peret  
 tus SIXTI Quinti Pontificis Nepos præest, reforma  
 uit. Atque ad eos qui prouincias, ac ciuitates governa  
 bant sæpissime hæc solitum dixisse fertur. Diligite iusti  
 tiam, qui iudicatis terram. Prosperum Columnam Ne  
 potem suum Sancti Georgij ad Vellus aureum Diaconũ  
 Cardinalem creauit, cuius loco hac ætate nostra floret  
 Ascanius Columna Diaconus Cardinalis S. Nicolai in  
 in carcere Tulliano à SIXTO V. ob insignia eius meri  
 ta, ac doctrinã, præsertim in Sacra Theologia supra æta  
 tem, singularem, creatus, Titulo etiam Basilicæ S. Ioan  
 nis Lateranenſis, quæ super omnes Vrbis, & Orbis Eccle  
 sias præeminētia, & præcedentia gaudet, auctus est. Nam  
 de Marci Antonij Columnæ itidem S. R. E. Cardinalis  
 meritis egregijs plura dici deberent, quàm huius an  
 gustiæ orationis nostræ pati posse videantur.

Moritur Martinus Anno XIII, &

Mense tertio sui Pontificatus.

Vacat tunc Sedes

dies xij.





NICOLAVS PAPA V. LIGVR

**N**ICOLAUS Quintus Lunensis, oppido Saraceno oriundus, vno, eodemque anno Episcopus Bononiensis, Cardinalis, & tandem Pontifex omniū, qui aderant suffragijs creatur: fuit virtute, & doctrina clarus. Hic Federicum Imperatorem vnā cum Leonora eius coniuge corona decorauit. Iubileum anno M. CCCC. L. celebrauit, curauitque diligenter, ne grassatores, Peregrinis ad Urbem accedentibus, molesti essent. Bibliothecam Vaticanam extruxit, exornauitque, misit in varias partes Viris doctis, qui libros exquirerent. Cuius exemplum secutus SIXTVS Quintus non minori animo Bibliothecam loco sublimiori, & ampliori erectam, & libris auget, & bonis artibus exercitatis aditum maximis muneribus ad omnem laudem parat. Verū Nicolaus, cum primus illius sæculi literas penè extinctas excitasset, Basilicam S. Petri ab aspidis fronte pulchro cepit opere illustrare. Præterea restituit templum S. Stephani in Monte Cælio, & M. Agrippæ opus vetustissimum plumbeo tecto cooperuit. In Vaticano Pontificias ædes sumptuosis operibus auxit. Pontem Miluium reparauit, & ædes egregias ad balnea Viterbiensia ædificauit. B. Bernardinum Senensem ordinis Minorum miraculis clarum in Sanctos retulit. Tum vero concordix optatissimæ inter Federicum Imperatorem, Principes nationis Germaniæ, ac Sedem Apostolicam auctor exitit. Eleemosynas multas in pauperes erogauit. Tandem octauo Pontificatus sui anno Romæ obiit. Sedes vacauit dies decem & quatuor.





PIVS V. PAPA ALEXANDRINVS



IV. S. Quintus è gente Gisleria, Boscho oppido in Liguria natus, Michael sacro baptismo ablatus vocatur; quod nomen etiam in Religione sancti Dominici, quā professus est, retinuit. Hic ex prædicatore Inquisitor, tum Cardinalis Tituli Sanctæ Mariæ super Mineruam à Paulo Quarto creatus xv. Martij anno M D L VII. Alexandrinus dictus est. Postea Episcopus Montis regalis Ecclesiam suam inuisens pluribus reformare non destitit. Inde in Urbem reuersus Pio Quarto vita functo anno M D LXVI. nonis Ianuarij suffragijs Cardinalium LII. qui tunc in comitijs aderant Pontifex Max. renunciatus est. Coronatur xvj. Kal. Februarij, festo die S. Antonij, qui fuerat illi natalis. Erant tunc res Galliæ, vt & hodie, in maximo discrimine. Quamobrè singulari diligētia laborauit in ipso ingressu sui Pontificatus omnia illi opportuna remedia prouidere. Iuuit eam consilio, pecunia, armis ipsis, vt penitus extingueret hæreticorum morbum pestilentissimum. Et certe finis factus fuisset Gallicarum discordiarum, si plane tanto Pontifici fuisset obtemperatum. Constat nihilominus hæreticos, à quibus plurimas, insignesq. victorias reportauit, dicere solitos, Pio Quinto acriorem hostem in fide Petri se fuisse expertos neminem. Itaque cum nostri illum venerarentur, & maximo in honore haberent, neque hostes ipsi se continere potuerunt, quin tantum Pontificem summis laudibus prosequerentur, quod meo iudicio in maximam eius laudem redundat: bonū enim est vt ait Philosophus, quod idem omnes fatentur, vel hostes.



4 5  
stes ipsi euidentia victi negare non possunt; neque vero nobilitas illorum oculos præstingebat, sed virtus ex alto infusa. Nā prudentia singulari non cessabat rebus publicis vacare; dum tamen vita innocentissimus, in oratione ad Deum fusus pro grege sibi commendato maiora quædam consequeretur. Obtinuit enim, vt Elias ille Carcoffus tunc Iudæorum Conseruator ad fidem nostram cum tota familia conuersus, breui ad trecetos ab eadem lege ad Christi veram religionem traduxerit: nimirum potest tantum apud Deum oratio, vt hostium nostrorum etiam durissima corda emolliat. Interea disciplinam Ecclesiasticam tractans, quæ in Tridentino Concilio decreta fuerant, executioni mandare toto pectore conatur, vt quæ in celebratione Missarum, horisque canonicis legimus, ipsius opera reformata habeamus. Magna quidem fuit eorum laus, qui vel Concilium inchoarunt, vel perfecterunt, sed non minor Pij Quinti putanda est, qui, quæ in Concilio statuta fuerant, sapientissime obseruari mandauit: facilius enim in ære leges incidi possunt; quàm in cordibus hominum. Proinde Urbem reformauit, eiusque gradus omnes, ac dignitates. Huc attinent tot, ac tam utiles eius constitutiones contra symoniacos, fiduciarios, vsurarios, & cambia illicita contrahentes, contra concubitus, & huius generis quàm plurima, & sanctissima instituta. Præterea Cardinales tres præposuit cognoscendis causis, quibus Episcopi Romæ detinerentur, vt si idonei non essent, ad suas diocæses remitterentur. Deinde statuens resignationes Beneficiorum simplicium non admittere, nisi habito prius diligenti examine, num essent idonei; cum quidam ad ipsum retulisset, id esse Curiam destrue-

destruere, respondit, minus malum est destruere Curiã,  
 quàm diuinum cultum negligere, ac Christianam Reipublicam turpiter prodere. Præterea Montem Religionis non vacabilem, Fœderis vero vacabilem erexit; nec non S. Thomæ de Aquino Doctoris Angelici festum celebrari statuit, illumq. in Calendario Romano adscribi iussit. Cum vero notum Pontifici esset Cosmum Medicẽ illo tempore Florentinorum Ducem magnam operam pro Religione posuisse, pecunia etiam liberalissime in bellis contra Hæreticos exhibita, anno M D L X X. mense Februarij ad urbem venientem in Aula Regia coronauit, & in Magnum Ducem cum suis successoribus creauit, in cuius Corona Pontifex illa verba inscribi voluit  
 PIVS QVINTVS PONT. MAX. OB EXIMIAM DILECTIONEM ET CATHOLICÆ RELIGIONIS ZELVM PRÆCIPVVMQVE IVSTITIÆ STVDIVM DONAVIT. Nec vero immemor in tanta dignitate veterum beneficiorum, sempiternæ memoriæ Pauli I V. à quo Cardinalium numero adscriptus fuerat, extare voluit monumentum clarissimum in Ecclesia Sanctæ Mariæ super Mineruam. Eodem tempore in Monte Pincio, gratus memoriæ Rodulphi Pij Cardinalis Carpenfis Senatus principis, sepulchrum erexit, quod munus nouissimè, mortuo Alexandro Farnesio itidẽ Senatus principe, vetere instituto Ioannes Antonius Sorbellonus suscepit, illudque singulari integritate, ac prudentia, necnon assidua diligentia, ac sollicitudine, magnaque omnium gratia, ætate grauisissimus sustinet. Extant Pij ædificia in Urbe, & extra; ac in Patria sua cœnobium sub nomine san-



**S**IXTVS Quintus Picenus, ex vrbe Montalto, gente Peretta, anno salutis M D XXI. idibus Decembris, festo S. Lucie die, clarissimam lucem Orbi terrarum allaturus, in hanc lucem suscipitur. Vir insigni vitæ integritate, eloquentia singulari, doctrina incomparabili, in rebus agendis prudentissimus, vnum denique virtutum exemplar in spem afflictæ Ecclesiæ consolandæ, durissimo tempore, ad summum Pontificium munus omnium amplissimorum Patrum applausu, summaque Romani populi lætitia assumitur. Oct. Kal. Maij M D LXXXV. & Kal. Maij, quo die sanctorum Philippi, ac Iacobi à Romana Ecclesia, in Ordinis sui cœnobio, SS. Apostolorum nuncupato, anniuersaria celebrantur, coronatus: in cuius Pontificatu quadriennio, de quo scribere cepimus, erat Imperator Rodolphus III. Gallie Henricus III. Hispaniæ, ac Lusitaniæ Philippus II. Scotiæ Iacobus Stuardus, Poloniæ Stephanus Battorius, & Sigismundus III. Daniæ Federicus: Dux Venetorum Nicolaus de Ponte, tum Paschalis Cyconia. Magnus Dux Hetruriæ Franciscus, ac Ferdinandus Medices. Dux Sabaudiæ Carolus Emanuel Philibertus, Ferrariæ Alphonsus Atestinus, Vrbinas Franciscus Maria de Ruuere, Mantuæ Guilielmus, ac Vincentius Gonzaga. Parmæ denique Octavius, & Alexander Farnesij. Sed vt ad SIXTVM Quintum reuertar; de eo dum nonnulla attingere conor, maximè vereor, ne in tanta multitudine mea aberret oratio. Nam cum omnia super omnem ordinem gesserit, quo ordine in tendis

xendis his vti debeam, sanè non video . Imitabor picto-  
res, qui vt multitudinem ingentem exprimant, satis se of-  
ficio suo fecisse putant, si eminentia duntaxat capita co-  
loribus ostenderint . Non igitur historiam tanti Pontifi-  
cis, sed potius designationem quandam præmonstrabo ,  
quam vel ipse aliquando persequar accuratius, vel haud  
dubie alij ingenio maiori, ac illustrioribus verbis expri-  
ment . Ea verò , quæ de tanto Pontifice comperta mihi  
fuere, breuiter recensui . Vt tandè ordiamur . Pontifica-  
tum SIXTVS Quintus inijt maximis instructus præsi-  
dijs: etenim Philosophiæ, ac Theologiæ spacijs gloriosè  
decursis, acri ingenio, ac memoria præstanti , breui è di-  
scipulo inter magistros adnumeratus est . Hic in S. Fran-  
cisci familia cum doctrina pectus repleuisset, eam intra  
domesticos parietes primum docere, tum in sacris tem-  
plis prædicare summo labore , & patientia non destitit .  
Hinc ad gubernationem per plurima munia ascendens ,  
in quam se partem dedisset, quasi quidam ex veterum  
annalium memoria admirationi omnibus erat . Fit pro  
Republica Christiana aduersus hæreticos Inquisitor; de-  
inde in Hispaniam missus ob Apostolicæ Sedis causas  
graues ; illis ipsius consilio , & solertia tandem compo-  
sitis, Romam reuersus, vocatur ad vniuersi sui Ordinis regi-  
men . Quia verò familiæ suæ benè præerat , æquum erat,  
vt alienæ itidem sapienter præesset . Creatur Episcopus  
Agathensis; ac nō multò post, quoniã Pius V. qui & quan-  
tus Pontifex ? nouerat Viri virtutem egregiam, iamq. diu  
probatam, eum ad Cardinalatus honorem promouit: au-  
getur paulo post Episcopatu Firmano . Interim Gregorio  
emortuo, comitijs de more in Vaticano habitis, Pontifex

maxi-

maximus, sic diuina disponente prouidentia, incredibili  
 mortalium omnium lætitia, vno studio, vna consensione  
 creatus est. Vix clauum ceperat; cum subito, vt ad bo-  
 nos gaudium, ita ad improbos ingens metus peruenit. In  
 hoc folio collocatus, sciens SIXTVS quantum sibi  
 onus incumberet, & quàm graues curæ eam summam di-  
 gnitatem consequerentur, ex qua nimirum penderet to-  
 tius Christiani Orbis gubernatio; imprimis Deum pre-  
 catus est ad bene regendum; cuius aura spirante tot dein-  
 de, tamq. præclara opera gessit, quibus superiorum tem-  
 porum memoriam superatam omnes intelligunt. Itaque  
 publicæ indicuntur supplicationes vj. Kal. Iunij ex Ara  
 Cæli ad Exquilias vsque; fit concursus populi, omnium  
 ordinum, ac totius nobilitatis. Quæ in Pontificatum san-  
 ctissima ingressio eos progressus extulit; vt mirandum sit  
 tanta celeritate, tot, ac tanta vix excogitare potuisse, non  
 modo inchoasse, atque ad finem suum perduxisse. Inue-  
 nerat Italiam SIXTVS Pontifex tumultuantem sica-  
 riorum peste, quæ vt Hydra cum in dies serperet, & ex-  
 cis capibus totidem continuò, & fortiora procrea-  
 ret, dedit operam egregiam paci, ac tranquillitati om-  
 nium populorum. Grassabantur in vijs prædones tam li-  
 berè, tanta audacia, vt nec ad visenda Apostolorum limi-  
 na tutus esset accessus, nec in Vrbe, ac vix intra domesti-  
 cos parietes tuti essemus. Exules enim itinera omnia oc-  
 cupantes ad mœnia vsque per singulos ferè dies nos in-  
 festabant. Itaq. nemo in Vrbe & extra non armatus cir-  
 cumspiciebatur; omnis cura, & opera in bellicis artibus  
 ponebatur: nam hi repellebant illatam vim; illi verò om-  
 nifariâ injurias inferabant. Cum hæc esset conditio rerû,

non

non magno armorum apparatu opus fuit; fecit enim Dominus virtutem ex alto, & brachium eius excelsum. Breuissimo temporis spatio eiectiones exules, extirpationesque ex suis ipsis antris, ac nemoribus, in quibus agebant; tuta redditae itinera, vniuersusque Ecclesiae Romanae status magno omnium solatio in summa securitate, & quiete constitutus est. Nam sicarios, exulesque omnes factionum principes, qui Ecclesiasticae ditionis tranquillitatem infestissime perturbauerant, sceleratorum domitor, cultorque pacis SIXTVS vix momento temporis tanta sua laude subegit, quantam & praesens aetas per Orbem terrarum publicae laetitiae testimonio, & fama concelebrat, & omnis posteritas aeterna admiratione ad caelum feret. Porro terris in pace sic compositis, cum audisset ad Stationem Romanam non admodum tutum esse accessum, ad coerendum piratarum impetum animum adiecit. Quapropter decem triremibus maximo sumptu constructis, quod pauci ante conati fuerant, aequori imperium imponens, tantam terrae, marique tranquillitatem fecit, ut Octauij Augusti tempora, quibus Iani fores clausae sunt, silente bello rediisse nostra aetate videantur; proinde voluit ipsemet Centumcellas proficisci, classem spectaturus, ubi plurima pro tuto itinere in mari Tyrrheno mandauit; Congregatione etiam Sanctae Romanae Ecclesiae Cardinalium de rebus maritimis constituta. Licet nunc tuto ocio frui; licet liberè per itinera, ac siluas diu, noctuque proficisci, atque vltro citroque commeari. Nulli nunc latrones extant, nulli sicarii, & fures, nulli demum maritimi praedones in nostris oris vagantur. Neminem Legimus superiorum Pontificum Ecclesiasticam ditionem, Patrimonium-



29  
niumque sancti Petri maiore animi præstantia, ac fortitudine in tanta temporum difficultate à nefarijs hostium excursionibus defendisse, aut maiore vi auri in tam breui spatio auxisse. Vindicata ab huiusmodi ferinis hominibus Vrbe, atque Italia vniuersa, paceque vndique stabilita, ad Dei Ecclesiam, idest sponsam suam exornandam, eiusque decus instaurandum, & augendum se se contulit. Imprimis autem vigilanti cura intendens gregi sibi commisso, in prouincias vicinas benignitatis suæ oculos conuertens, prouidit, vt ab ijs, quibus in regimen creditæ erāt, paterna charitate gubernarentur. Constituantur S. R. E. Cardinales, qui subditorum querelas audiant, de ijs referant ad Pontificem: vt verò non modo fines Romanæ ditionis non coarctarentur, sed propagarentur in dies, prohibuit vendere, ac distrahere castra, aut alia generis eiusdem bona in statu Ecclesiastico existētia, præter quam subditis eiusdem status; in quo Pij Quinti Pontificis Maximi sanctionem confirmauit. Edidit huius argumenti plurimas constitutiones, quibus mirum in modum S. Petri patrimonium & conseruatum est, & supra omnem ætatē mirificè auctum. Nam munus ab ærario, cui prouētuum, ac iurium Cameræ Apostolicæ præcipua cura incumbit, cum in incerto statu versaretur, in officium perpetuum erexit, quod idem statuit in Commissariatu. Huc reuocatur erectio Montis Sixti nūcupati cum fructibus ad decem pro centenario; pertinet huc etiam Montis Fidei ampliatio, eiusque fructuum ad sex pro centenario reductio: item Archiuiū generale, in quo Cameræ Apostolicæ scripturæ asseruantur, cui muneri Regentē designauit. In Vrbe veteri publicæ quoque vti-

litati consulens, Montem non vacabilem ad sex pro cen-  
tenario instituit. Tum verò in Ecclesiastica disciplina nò  
minus studij posuit: nam Cardinalium numerum præscri-  
psit, ac leges: ex ijs Episcopos sex, Presbyteros quinquaginta, & decē, ac quatuor Diaconos esse voluit: tum pro-  
creatos ex illegitimo matrimonio etiam legitimatos, ad  
honores, & dignitates Ecclesiasticas promoueri vetuit.  
Referendariorum præterea numerum tam latè patētem  
ad centum reduxit duntaxat, & generis eiusdem pluri-  
ma, & sapientissima decreta legimus: sed quæ attinent ad  
paupertatem subleuandam non modo in scriptis confi-  
gnata, verum etiam in operibus expressa extant. Nam  
Monti Pietatis, qui locus esse solet egenis in necessarijs  
refugium, domicilium coemit. Idem lanaria, ac fullonia  
arti locum à Pio Quinto erectum ampliavit. Tandem ve-  
rò, quod omnium annalium monumentis celebrabitur;  
pauperibus; qui stipem per Urbem quærebant, ædes mul-  
to are extruxit, ac perpetuo censu dotauit, propè Pontē  
SIXTI Quarti nomine nuncupatum. Hic omne homi-  
num genus recipitur, qui facultatē traducendæ vitæ non  
habent: huc confluunt claudi, debiles, & membris alijs,  
& oculorum vsu priuati. Equidem arbitror id tantum ef-  
fe, vt quemadmodū Dei misericordia super omnia opera  
celebratur, ita hoc pauperum domicilium omnibus tanti  
Pontificis operibus antecellat. Nimirum hanc charitatē  
ex sacrarum Scripturarum fontibus hauserat vberri-  
mè sapientissimus Pontifex: legerat, quod vni ex minimis  
meis fecistis mihi fecistis; estote misericordes, sicut & Pa-  
ter vester misericors est; & illa duo Deum requirere, fa-  
cere iudicium, & diligere misericordiam, & huius gene-  
ris quin-

ris quingenta in sacris literis . Hoc animo pauperibus virginibus, viduisque seruandis, sacrandisque monasterium instituit, ac dotauit, quod ex arcu Galieni, vbi prius ceptum erat, ob maiorem commoditatem, atque aeris salubritatem ad verticem Montis Quirinalis propè hortos Sallustianos, vbi est templum sanctæ Sufannæ, translatum est. Demum, vt nullum eorum operum relinqueret, quæ Misericordiæ appellantur, in arce Capitolina carceres ampliauit, commodioresque reddidit, quo fit, vt loco commodiori expositi miseri, & aperto aere fruantur, & eleemosynas ab ijs, qui eò concurrunt ad iudicia, exposcere possint. Quam charitatem erga commissum sibi gregem exhibuit, cum Italia potissimum graui frumenti inopia laboraret: proinde quasi alter Ioseph horridæ, ac miserandæ fami ita prouidit optimus Pastor, qui animam suam dare pro ouibus suis paratus erat, vt nō modo Vrbs non egeret, imò verò viliori pretio necessaria ad victum coemeret; idcirco ad annonæ copiam comparandam ducentorum millium aureorum præsidium fecit, ac perpetuo largitionis titulo donauit. Ab eo tempore in Urbē omnium rerum vbertas aduecta est, atque in præsentem vsque diem inopiæ vestigium nullum reliquit: hoc, & plurimis alijs beneficijs S. P. Q. R. SIXTO Pontifici in Capitolio statuam æneam erexit. Per similem in ipso foro posuerunt Camertes. Quumq; ingrauesceret annona, & necessitas Neapolitanum regnum premeret, ignaris, quo se verterent, mercatoribus in tantis angustijs celeberrimi populi, Summus Pontifex ei subsidium præbuit, triticoq. aduecto, famis incommoda, quantum potuit, subleuauit. Quum vero maximis negotijs distentus

pro republica Christiana ad Urbem exornandam Octavianus Augusti exemplo se transtulisset, voluit Obeliscum loco obscuro latentem, è priori sede auulsum, in splendidiorem, illustrioremque locum pro liminibus SS. Apostolorum in medio foro collocari: opus ab alijs Principibus cogitatione quidem, sed re ipsa à solo SIXTO & tentatum, & perfectum. Vnus enim SIXTVS Pontifex pro vetere sua prudentia, vt multa egregiè cæpit, sic præclare perfecit. Cæsaris ex vrna cineribus eiectis Crucem inuictam imposuit anno secundo sui Pontificatus, ac iustius, feliciusq. Christo Optimo sacrauit. Prorsus miranda, & incredibilia perfecta opera. Latebant duo Obelisci in Circo Maximo terra obruti, quos effossos acri hominum artificio in pristinam formam redegit; horum alterum ad basilicam Lateranensem, alterum ad ædem Beatæ Mariæ propè portam Flaminiam, quam loco basilicæ S. Sebastiani in Stationibus publicæ commoditati substituit, magnis laboribus, ac sumptibus transtulit, & Cruci itidem inuictissimæ Pontificatus sui anno Tertio, & Quarto dicauit. Neque verò relinquendus erat, qui in Valle Martia iam multos annos iacebat, vnus ex Obeliscis Mausolei Augusti Cæsaris, qui licet fractus in partes nulli vsui futurus videretur, ad Exquilias tamen perductus tam affabrè compactus est, vt maximam afferat spectantibus admirationem, ac templo antiquissimo Beatissimæ Virginis ornamentum. Huc accedunt Traiani, & Antonini Columnæ Cochlides, quas antiquitate corrosas restaurauit, & exornauit, ambasq. Custodibus Urbis Petro, ac Paulo iure optimo dedicauit. Mirum hoc: videmus nunc quàm maxima lætitia sanctum Petrum pedibus

dibus fastigia infanientis superbiæ veterum Imperatorū  
 proterere, qui capite inuerso in hac Vrbe pro vera Reli-  
 gione vitam ipsam exposuit. Fulget ille auro tinctus verè  
 Petrus constitutus in caput in ipso foro Traiani Augusti  
 Cæsaris; nec minorem voluptatē sentimus nos, quibus da-  
 tū est frui veteri Vrbe, ac noua resurgente potiri. Suspici-  
 mus Antonini Columnam, partim hostium iniurijs, par-  
 tim igne, partim tempore ornamētis suis priuatam, refici-  
 figuris suis, & quasi nouā formam induere. Hanc Colum-  
 nam comprimit sacratissimis plantis. Vas electionis Pau-  
 lus; qui pro vniuersi Orbis partibus, ac præsertim pro al-  
 ma Vrbe in vera Religione instruēda tot itinera suscepit,  
 ac tandem vitam profudit. Hæc sanctissimis Apostolis  
 debita gloria, qui urbem Romam à gentilium erroribus  
 ad veritatis viam traduxerunt. Venio modò ad sancti  
 Ioannis Lateranensis magnificentissimum Palatium ab  
 eodem erectum. Hic sancti Saluatoris ædem refecit:  
 Scalam Sanctam in commodiorem locum transfudit, re-  
 stituit, ac picturis exornauit; locum appositè construxit,  
 vt festo die Paschatis benedictionem populo impertia-  
 tur. Deinceps verò secutus vestigia Patris sancti Francisci  
 Ordinis Seraphici institutoris Ecclesiam Lateranensem  
 penè collabentem suis humeris fulsit, ac restituit. Tandē  
 verò Titulum, qui illi in Cardinalatu fuerat sancti Hiero-  
 nymi Illyricorum in Vrbe, exornauit proprijs impensis.  
 Templum erat sanè exiguum, ac peruetustum; verū  
 SIXTVS maiora animo concipiens alterū à fundamen-  
 tis & maius, & honorificentius paucis diebus erexit; cui  
 meritò illa competit inscriptio, quæ superiori anno, dum  
 festum more solito celebraretur, supra postes legebatur.

FELIX TITVLVS SVB TANTO PONTIFICE.  
Illud obseruatione dignissimū videtur, quòd, in his Ro-  
manæ vrbs, ac pietatis ornamentis, extat imprimis Sa-  
cellum ad Præsepe Domini gloriosum, quod templum  
aliquis dixerit, si eius partes attentius fuerit contēplatus.  
Id, antequam ad summum Sacerdotium ascenderet, à  
fundamentis construere ceperat, ac postea Pontifex crea-  
tus mira celeritate perfecit, exornauitque. Hic non im-  
memor mortem omnibus naturam proposuisse, sepul-  
chrum sibi posuit: nec minus gratus Pio Quinto Pont.  
Max. felicissimæ recordationis marmoreum monumen-  
tum insignis pulchritudinis construi voluit in eodem Sa-  
cello, vbi se Quintus vterque sanctissimus, & vigilantissi-  
mus conspicit. Verum enim vero dum tot illustria gesta  
de tanto Pontifice recenseo, commemoranda est quædā,  
& diuina SIXTI liberalitas, qua vsus est, dum Cardina-  
latus honore fungeretur, qui inagno, & excelso animo,  
eximia liberalitate supra suas vires, cum vix tantum ha-  
beret, quantum sibi ad victum pro tanta dignitate neces-  
sariū esset, Nicolao Quarto Asculano, agri item Piceni,  
Pont. Max. in familiam suam permotus, atque erga pa-  
triū solum pietate, ex lapide monumentum per magnifi-  
cum in Ecclesia S. Mariæ ad Exquilias, annis vndecim  
antequam Pontifex crearetur, posuit. Itaque hanc partē  
in Exquilis sic exornauit, vt quam prius incultam vix  
ascendebamus, nunc viam suauissimam, ac facilem expe-  
riamur. Quamquā non vna via est, quam SIXTVS rectā  
reddidit, & aperuit, sed Quinque præcipuæ inter alias  
numerantur: illa enim, quæ verticem Montis Quirinalis  
diuidit, Felix dicta est. Pia verò, quæ celeberrima fereba-



tur, nunc directa, æquataq. fontes illos nobis common-  
 strat, quos Romani colles ante multos annos arētes sitie-  
 runt. Ex hac parte deductus est suis impensis aquæ ductus  
 admirandæ vastitatis partim arcuato, partim subterraneo  
 opere, tanta aquarum copia, vt Vrbs vniuersa irrigata,  
 perfusaque præ summa lætitia gestire videatur. Concipi-  
 tur aqua primùm in Tusculano, via Prænestina sinistror-  
 sum, vbi multarum collectione facta venarum, ductu si-  
 nuoso, à receptaculo mill. xx. à capite xxij. in Urbem ad-  
 ducitur, ac Felix, antequā Pontifex esset SIXTVS Quin-  
 tus, ab ipso met nūcupatur. Proinde ductus aquæ Felicis  
 riuo subterraneo è tanta distantia in Urbem introduci-  
 tur, & proprijs impensis extruitur. Arcus ingens funda-  
 tur, per quem illæ aquarum scaturigines in vnū collectæ  
 deducuntur. Hæc aquarum copia in Quirinali Fontem  
 exhibet, vbi quasi alter Moses arentibus collibus tantam  
 aquam præbuit, quantā nemo desiderare potuisset. Hinc  
 tamquā ex capite fonticuli quàm plurimum tum publicis,  
 tum priuatis commoditatibus deducuntur, & in omnes  
 Romanę vrbis partes emanant. Idcirco loca illa ad Vallē  
 vsque Quirini, cæli salubritate optima, accedente tanta  
 aquarum abundantia, felicissima sunt, & ad honestā vo-  
 luptatem aptissima. Equidem mirari non satis queo: quis  
 vniquam existimasset futurum, vt Capitolium, quo vix  
 triumphantium currus aduehebantur, aqua tam longè  
 ab Vrbe adduceretur? & tamen hoc nos ipsi videmus,  
 fruimurque beneficio singulari. Aqua, quæ, vt philoso-  
 phi asserunt, & experientia docet, suapte natura terra-  
 rum quaslibet partes permeat, iam non ima amplius pe-  
 tens, naturæ suæ oblita, per Exquilias, Quirinalem excur-

rens, Capitolium ipsum triumphantis more transcendit. Miramur veteris Romæ loca incolî; sed quis non iure miretur ex omni memoria ætatum, ac temporū tam multa illi accedere commoda? Ædificantibus enim in via Felici, & in monte Quirinali priuilegia, exemptionesq. concessit complures. Adiacet ante Thermas forum amplissimum: nitent proximi Horti Michaeli Peretto erecti: extat lauacrum publicæ commoditati positum. Atq. ut in dies, ut fit, ea habitatio propagetur, pro maiori omnium commodo ad illud forum fructuum, equorumque venditio trās lata est, quæ prius in Circo Pompeiano exercebatur. Splendet nouum, vetusque Palatium Quirinale auctum, exornatumque: area, ac fonte illustratum, atque equis Praxitelis, Phidiæq. operibus, cum collabi viderentur, restauratis, & loco commodiore collocatis. Admirandum hoc viæ ornamentum, quod S. R. E. Cardinalibus illuc æstate ad Concistoria confluentibus non exiguam voluptatē afferet. Diximus de Exquilis, & Quirinali, de quibus pro dignitate dicere breuitatis studium nos non finit; nunc de Vaticano. Hic spectabimus Thomam S. Petri ingenti fabrorum numero augeri, quod opus ut difficillimum fuit proficere, ita absolueri gloriosissimum erit; quo quidem absoluto nihil admirabilius toto terrarum Orbe spectari posse creditur. Verum id meritò tanto Pontifici reseruatum est, vel enim ipso solo dignissimum erat. Quin etiam in Sacello Gregoriano voluit die Iouis sancto Eucharistiæ sacramentum solemniter reponi: tum futurorum Pontificum commoditati portam aperuit, gradusque inferiores vnà cum vestibulo construxit, ac picturis exornauit. Huc pertinere videntur.

laquearia

laquearia S. Pauli, quæ ea in parte extant, atq. eminent, in qua sanctissimi Senatus Capella fieri solet. Sunt hæc omnia, quæ attulimus pietatis argumenta, atque ad Dei, Sanctorumq. laudes pertinent, sed illud præcipue quod Stationes Urbis ab antiquissimis temporibus institutas conuentu S. R. E. Cardinalium, atque præsentia sua celebrari voluit. Non prætereundum hic à nobis est Pontificem SIXTVM ætate grauem, æstiuo tempore, in ipsa hyeme, summis frigoribus, templa omnia sanctissima adire; eundem in maximis negotijs Reipublicæ Christianæ loca pia inuifere, & eleemosynas pro eorundem locorum reparatione liberalissimè elargiri. Testantur hæc exempla quantæ curæ sit huic Pontifici Ecclesia Dei, & quam eius obliuisci non queat. Exemplum huius Pontificis in restaurandis Ecclesijs inter ceteros secuti sunt ab eodem creati Cardinales, Henricus Caetanus S. R. E. Camerarius, ac Magnus Magister Hospitalis Hierosolymitani. Ille quidem vetustissimum templum S. Pudencianæ ferè collapsum maxima sua impensa instaurauit, & illustrauit, nec non monasterium templo proximum substruxit. Hic verò Ecclesiam S. Mariæ in Porticu ruinæ proximam restituit, & adornauit. Ad SIXTVM redeo: qui diuinum cultum mirificè extulit. Nam Præsentationis B. Mariæ Virginis, S. Francisci de Paula, S. Nicolai de Tolentino, S. Ianuarij Episcopi, & sociorum martyrum; SS. Placidi, & eorundem sociorum, S. Antonij de Padua, S. Petri Martyris festum celebrari mandauit, ac in Romano Calendario inferi iussit. Inter quæ diuina opera hoc est omni memoria dignissimum, quod beatum Didacum

Hispania, ac præsertim Philippo II. Rege Catholico sancto-  
rū numero adscripsit vj. Non. Iulij M D LXXXVIII.  
Præterea S. Bonauenturam Ordinis sui, deinde Episcopū  
Cardinalē Albanensem inter eximios Ecclesię Doctores  
adnumerauit, qui in Concilio Lugdunensi secundo egre-  
gia virtutum munera Ecclesię Dei præstitit, & sacrarū li-  
terarum innumeris monumentis, quæ in dies in lucē edi-  
iubet, Scholasticorum exedras illustrauit: eiusdē nomi-  
ne Collegium fratrum Minorum in sacra Theologia in-  
stituit, eidemque certos redditus adiunxit. Neque vero stu-  
dium Romanum (quod Sapientiam vocāt) iacere voluit,  
quin potius cēptū ab alijs ampliare, atque exornare per-  
sequitur. Interea vero dū hæc Romę geruntur SIXTVS  
est, qui simul non desistit extra Urbē plurima opera ma-  
gnifica, atque præclara peragere: Metuuisse imprimis  
oportet Lauretani oppidi in Piceño B. Marię Virginis di-  
cati, nunc in Ciuitatem erecti, quod opus egregium, cum  
in Cōcistorio decerneretur, Ioannes Antonius Sorbello-  
nus tūc temporis Episcopus Cardinalis Tuscul. nūc vero  
Ostien. ac sacri Senatus Princeps quā sapiētissimē pro-  
posuit, effecitque, vt quod antea ab omnibus desideratū  
fuerat, finem suum sortiretur. Huic Ciuitati cū SIXTVS  
Episcopatum adiunxisset diocēsim designauit, dotē tra-  
didit, dignitates distinxit, ius præsentandi Archipresbyte-  
rum eiusdem Ecclesię Perettę familię reseruauit, atque  
in Sanctissimę Virginis honorē Equites Lauretanos insti-  
tuit: quæ noua Urbis tantorū beneficiorum memor Pon-  
tifici æneam statuum crexit. Idem Montaltum, vnde est  
oriundus, ciuitatis nomine auctum, Episcopatu etiam il-  
lustrauit, quod pariter Sanseuerino oppido agri itidē Pi-  
ceni

ceni concessit. Ceterum quantas laudes mereatur ordi-  
 natio hæc de institutis huiusmodi Episcopis, id nūc ob  
 compendij studium, quo vtor in hoc opusculo, comme-  
 morare non possum; res ipsa testatur, quātam vtilitatem,  
 & gloriā attulerit: nam hac ordinatione cunctæ hæ ciui-  
 tates illustrabuntur, & breui augebuntur. Præterea in Ci-  
 uitate Macerantensi Rotā, vt vocant, publicē totius Mar-  
 chie vtilitati consulens, ad ciuiles controuersias, quæ in  
 ea regione orirentur, dirimēdas, fundauit. Obiter autem  
 indicabimus nonnulla extra Picenum agrum, ne ignora-  
 re possit lector, quæ, & quanta gesserit tantus Pontifex.  
 Primum ad Centumcellas dulciores aquas aduexit, cum  
 ille populus earum penuria proximus mari vehementer  
 laboraret: deinde fontem eximie pulchritudinis, & ve-  
 nustatis ad ornamentum, & vtilitatem illius vrbis poni  
 curauit: postremo, quod quidem certe memorabile  
 est, & in omni ætate omnino inauditum, Pontinas pa-  
 ludes apud Tarracinam sua impensa, atque industria  
 eò deduxit, vt breuissimo tempore spes sit, vt amo-  
 tis aquis, quæ eam terrarum partem circundabant, ac na-  
 turę impedimentis superatis, vberrios fructus maximo  
 totius Ecclesiasticæ iurisdictionis commodo sint allatu-  
 ræ; & tamen sæpe experta eas aquas exsiccare potentia  
 ipsa Romana nunquam potuit, neque eam regionem  
 ad bonam frugem traducere. Opus certe multis nomi-  
 nibus immortale, atque admiratione dignissimum, sed



Rursum autem ad agrum Picenum reuertamur, ne ignoremus quid in ea prouincia præclare gesserit. Firmo populo eam voluntatem ostendit, quam antequam esset Pontifex semper eidem declarauerat. Itaque vt testaretur suam erga eos egregiam, ac planè Pontificiam voluntatem publica Gymnasia instituit ad propagandâ, & conseruandam doctrinam Christianæ Religionis, & ad iuuentutem Firmanam instruendam: quæ quidem ciuitas memor & veterum, & nouorum beneficiorum grati animi officio æneam statuam Benefactori suo erexit. In eiusdem agri Piceni gratiam instituit Bononiæ Collegium præclarissimum, eidemq. copiosos prouentus adiunxit, in quo Piceni iuuenes alerentur, ac bonis artibus imbuerentur. Hoc ipse vidi, & frequenter inuisi, admiratus eius situm, & magnificentiam, dum ea in vrbe studiorum gratia commorarer. In quo quidem genere prudentissimus, & sapientissimus SIXTVS in Romana Vrbe, in quam plerique doctrina, atque optimarum artium studijs eruditi confluunt, Bibliothecam Vaticanam in Theatro Vaticano erexit, quam picturis egregijs, historijs Ecclesiasticis, atque sacris Concilijs mirificè exornauit. Eidem Typographiam adiunxit ad Sanctorum Patrum Romanæ Ecclesiæ opera restituenda, atque in lucē prodenda; ex quo Viri omnes pij sperant multum acquiri posse ad Catholicam fidem toto terrarum Orbe propagandam. Fiet omnino, vt quæ monumenta Sanctæ Ecclesiæ Doctorum ab hæreticis alijs in regionibus corrupta, ac deprauata edebantur, in vrbe Roma suæ integritati restituantur. Verum in tanto numero rerum præclare gestarum, quas quidem non dico exornare nemo possit, sed



sit, sed vix quidem adnumerare; mirandum sanè fuit tantam vim auri summi Pontificis parsimonia ad Romanæ Sedis necessitates collectam esse, ac comparatam; quod in hac Romana Sede non modo factum ante nunquam est, sed in omni memoria est omnino inauditum. Arcem Hadrianam Pontificatus sui Annis Quatuor Quater decies centenis millibus aureorum muniuit, vt non modo externos, aut domesticos hostes nō timeamus, sed potius verendum sit, ne Arx illa munitissima auro fulta eiusdē grauissimo pondere laboret. Iam vero non cuilibet liberum erit, nec etiam potentioribus Romanam urbem, aut ditionem Ecclesiasticam vexare, quod superioribus annis maximo Christianorum incommodo sæpissimè legimus. Nam ad ærarij conseruationem, atque etiam, vt speramus, augmentum S. R. E. Cardinales iuramento obstringere voluit, ne quid de eo demant, nisi in certis, ijsq. grauissimis casibus, quorum in peculiari diplomate sit plenissima mentio. Interea Pontifex vsitato more suos ad se euocatos varijs, & nobilissimis matrimonijs, & amplissimis dignitatibus decoratos, ad maximos honores prouexit. In his Alexandrum Perettum singularis humanitatis, suauissimorumque morum, instante sacro Collegio, diaconum Cardinalem dixit, qui in ea, quam scimus adolescentia, & ætatis etiam nunc viridibus annis constitutus, maturos tamen iam fructus admirabilis cuiusdam virtutis fert. Sententiam, & æquitatem legis probat: ad-

virtus antegressa sit ætatem: non ne sperandum est in eo  
maiorum præstantissimas virtutes, velut translatae plan-  
tæ solent, ad maximos fructus celerius prouenturas? Nā  
superioribus diebus promeritum constat, vt, mortuo  
Alexandro Farnesio Cardinali, Cancellariatus dignita-  
te decoraretur. In hac Cancellariatus dignitate quin-  
que cocurrerunt obseruatione digna, quæ simul eue-  
nisse nulla memoria scimus. Primum quidem vidi-  
mus vnum plus annis quinquaginta; secundo duos, ea-  
demque ætate adolescentes, tertio ambos Pontificum  
Nepotes, quarto duplicem Romanæ iuuentutis flo-  
rem, quinto denique duos magnos Alexandros no-  
mine, hoc honore præluxisse; vnde æquisimum erat,  
vt adolescens alteri adolescenti, Nepos alteri nepoti,  
Romanus alteri Romano, Alexander alter itidem Ale-  
xandro succederet: & quemadmodum quatuor ex his  
Perettorum inuictus Alexander assecutus est, ita diuino  
fauore spes est, vt decies illa lustra repetita incolumis,  
& felicior excedat. Michaellem vero Perettum Ale-  
xandri Cardinalis Vicecancellarij fratrem illustri supra  
ætatem ingenio, & industria, in quo lucet indoles quædā  
virtutis egregiæ, licet ætas non dum apta sit rebus agēdis,  
primū Ciuitatis Leoninæ Gubernatorē creauit, deinde  
ad Marchionatus dignitatem euexit: postremo Marga-  
ritæ Comitissæ Somaliæ illustrissimæ, & ditissimæ in ma-  
trimoniū tradidit. Iam vero Solis luce clarius est, quàm  
clarissima sint matrimonia illa duo, quæ nuperrimè cele-  
brata sunt, loquor de primarijs familijs huius Urbis cum  
Perettis arctissimè colligatis, de quibus pauca dicere su-  
perfluum videtur, cum neque multa referre satis futu-  
rum



rum existimē, ipsa dies, sic disponente prouidentia, ostendet, qui, & quanti vtrinque Proceres emanabunt. Ceterū vbi Pontifex nouis Patribus sibi opus esse cognouit, incredibili liberalitate præsertim in suos aulicos, ex quibus nonnullos, qui diu, & assiduis vigilijs sibi inseruierāt, nec non ex toto terrarum Orbe Viros grauissimos conquisitos ad xxix. vsque in præsentem diem pluribus lectionibus in Senatum cooptauit. Porro hæc omnia, quæ hucusq. attigimus partim Romæ, partim foris acta, quamquam neque iudicare, neque dicere de tantis operibus pro dignitate potui; tamen animus est, quoad vita mihi contigerit, tantum Pontificem præ alijs commendare, humana quidem sunt, nec naturæ vires excedunt, licet plurimorum Principum gloriam superent: verum hoc, quod in vltimum locum huius meæ narrationis recensendum proposui, supra humanas vires se se attollens, diuinam vim ostendit. Id certè humanorum operum longè maximum est, nec veretur vt quemadmodum quæ opere, aut manu facta sunt, ita aliquando consumat vetustas. Kal. Ianuarij M D LXXXIX. quo potissimum mense anni principiū nos sumimus; Ianus enim bifrons, & præteritum tempus spectare, & futurum prospicere fingeatur à veteribus illis. Eo ipso die felicissimo Philip pus Iustinianus Genuësis Societatis Iesu, cum per septennium grauer lepra laborasset, vbi primum à SIXTO Quinto sanctissimo Pontifice benedictionem accepit,

inuigilans SIXTVS , atque eiusdem propagatione decretum à Pio Quinto sanctissimæ memorię confirmavit, quo Henricum Borbonium assertum Regem Nauarræ Gallia regno priuauit: quod etiam statuit contra Henricum Borbonium assertū Principem Condensem, qui non multo post quàm hoc statutum fuerat, diem suum infelicissimè obiit . Regnum illud olim florentissimum , nunc verò bello, & ciuilibus discordijs acerrimè oppressum esse vehementer dolendum est ; atque vtinam omnia meliores exitus consequantur, quàm improbi exoptant; sed dubium non est, quin tantus Pontifex ad quietem, & tranquillitatem omnia reuocet , vt & vnus Pontificis prudentia inter Polonię Regem & Maximilianum, misso eas in partes Hyppolito Aldobrandino Legato, natæ controuersia composita sunt: ac Roma paulò ante eius Pontificatum exulum infestis copijs perturbata, pace fruitur iucundissima . Hæc noua quasi forma accepta, quantum sit consecuta ipsa se miratur, ac circumspicit . Muri , Palatia, & des egregia, fontes, fora, vię, partim strata, partim restituta, ipsa templa magnifica, & splendidissima nomen SIXTI Pont. Max. in omnem æternitatem, & memoriam celebrabunt. Dicenda plura hic meritò mihi essent de tanto Pontifice , vt & plura sunt, quæ prætermisimus; sed quid attinet multis eius singularem prudentiã, & felicitatē prædicare , cum facile existimari queat, opus Dei esse, non humanæ naturæ , aut virium, tot, ac tanta egregia opera in hoc breuissimo temporis spatio perfecisse; cui nulla propemodum humana vis videtur resistere potuisse. Dixisse satis sit hæc spatio annorum Quatuor felicissimè peregisse . Facile admodum ex his omnibus colligi

colligi potest, quid sperandum sit futuris annis: quos plurimos, latissimosque Deus optimus immensa sua benignitate ad commune commodum largiatur. Spectabimus quidem certe urbem Romam veterem, annis superioribus derelictam, instauratam, illustratam, infinitis utilitatibus locupletatam, formosioresque celebrari, ac teri Clarissimorum Virorum pedibus. Hic iustitiæ vindex improbos, pacis perturbatores, si qui adnascentur, LEONIS robore, ac fortitudine è medio tollet, securitatē, ac tranquillitatem Urbi, & Ecclesiasticæ iurisdictioni restitutam defendet, vbertatem rerum omnium introductam augebit, mores reformatos quam sapientissimè in officio custodiet; & demum efficiet, ut Ecclesia victrix externos hostes sæuientes in rem Christianam extinguat. Optat equidem Romana Ecclesia parens optima, ut virtute dexteræ Dei excelsi Regnum Angliæ à vera Religione semotum ad unitatem reducat: Germania in vnius consensione doctrinæ SIXTVM verum Pastorem recognoscat, ac Gallia vnius coniunctione voluntatis in Christi pace conquiescat. Quod idem Christus Deus noster nobis concedat, ut res Ecclesiastica, quæ Summi Pontificis consilio, & administratione in veterem gloriam reuocata est, pie, ac sanctè directa in dies magis, magisque per multos annos incolumi SIXTO V. PONT. MAX. floreat.

C A P I T A  
 ALIQVOT MYSTERIORVM  
 INVICTI QVINARII.  
 N V M E R I.



- I.  VINTVS dies Creationis reptilia, & aquatilia primum vidit.
- II.  Quintus dies sacrosanctæ Eucharistiæ institutionem habuit.
- III. Quintus dies Christi Saluatoris nostri in Cælum Ascensionem celebrat.
- IV. Quintus dies fuit, in quo stetit Ezechiel ad fluuium Chobar.
- V. Quintus dies Bethuliæ, ab Holofernīs obsidione, liberatæ, lætissimus illuxit.
- VI. Quintus annus ad nouæ arboris fructibus vescendum, in lege statutus erat.
- VII. Quintus Angelus tuba cecinit, & vidit stellam de Cælo cecidisse in terram.
- VIII. Quintus Angelus effudit phialam super sedem Bestiæ.
- IX. Quintus Angelorum Chorus ad Principatus pertinet.
- X. Quintus in ordine Prophetarum Daniel lapidem ostendit.
- XI. Quintus lapis in Tiara Pontificum, omnium preciosissimus, Adamas enitet.